



Broj:01/7-50-1-651-9/09
Sarajevo, 21.07.2009. godine

Z A P I S N I K
sa 9. sjednice Komisije za pripremu izbora Vijeća ministara BiH

Sjednica Komisije za pripremu izbora Vijeća ministara BiH održana je 24.06.2009. godine s početkom u 9,00 sati.

Sjednici su prisustvovali sljedeći članovi Komisije: Halid Genjac - predsjedavajući, Jerko Ivanković – Lijanović – drugi zamjenik predsjedavajućeg, Branko Dokić, Rifat Dolić, Hadži Jovan Mitrović, Mirko Okolić, Vinko Zorić i Azra Alajbegović. Opravdano odsutni su bili: Lazar Prodanović – prvi zamjenik predsjedavajućeg, Sefer Halilović, Zlatko Lagumdžija i Velimir Jukić.

Sjednici su također prisustvovali: Milan Zjajić, sekretar Komisije i Aida Kreho iz Zakonodavnopravnog sektora Parlamentarne skupštine BiH.

Komisija je jednoglasno prihvatila sljedeći:

D N E V N I R E D :

1. Usvajanje zapisnika sa 8. sjednice,
2. Razmatranje podobnosti i davanje mišljenja – preporuke za potvrđivanje Rude Vidovića za obavljanje funkcije Ministra komunikacija i prometa Bosne i Hercegovine;
3. Tekuća pitanja.

Ad. 1. Usvajanje zapisnika sa 8. sjednice održane 10. 06. 2009. godine

Članovi Komisije su, bez primjedbi, jednoglasno usvojili Zapisnik sa 8. sjednice održane 10.06.2009. godine.

Ad. 2. Razmatranje podobnosti i davanje mišljenja – preporuke za potvrđivanje Rude Vidovića za obavljanje funkcije Ministra komunikacija i prometa Bosne i Hercegovine

Nakon otvaranja rasprave po ovoj tački dnevnog reda predsjedavajući je podsjetio članove Komisije na relevantne odredbe zakona o Vijeću ministara BiH, Poslovnika Predstavničkog doma Parlamentarne skupštine BiH i Poslovnika o radu Komisije.

Članovi Komisije su odlučili da je potrebno da kandidat za Ministra pristupi na sjednicu, kako bi odgovorio na njihova eventualna pitanja.

Nakon što je g. Rudo Vidović, kandidat za obavljanje funkcije Ministra komunikacija i prometa BiH pristupio sjednici, predsjedavajući Komisije g. Halid Genjac ga je pozdravio i čestitao mu na kandidaturi za obavljanje te funkcije. Također, g. Genjac je zamolio g. Vidovića da naknadno dostavi podatke o finansijskim sredstvima i interesima, naravno, ukoliko postoje. Razlog ovakve molbe g. Genjca je tehnička greška na obrascu Centralne izborne komisije.

Branko Dokić, član Komisije, je pored čestitki g. Vidoviću, izrazio nadu da će saradnja između Ministarstva prometa i komunikacija i Parlamentarne skupštine BiH i njenih radnih tijela biti na najvišem nivou, kao što je i dosada bio slučaj.

Mirko Okolić, član Komisije, je također čestitao g. Vidoviću na kandidaturi i iznio nadu da će on uspjeti da ispuni sve obaveze i zadatke koje je Ministarstvo preuzelo.

Kandidat za obavljanje funkcije ministra prometa i komunikacija, g. Rudo Vidović je, pored zahvalnosti na čestitkama, iznio uvjerenje da će funkciju Ministra komunikacija i prometa obavljati veoma savjesno i na najbolji mogući način.

Obzirom da članovi Komisije nisu imali pitanja, pristupilo se glasanju.

Komisija je jednoglasno utvrdila da g. Rudo Vidović ispunjava sve uslove propisane Zakonom o Vijeću ministara BiH i Poslovníkom Predstavničkog doma Parlamentarne skupštine BiH za imenovanje na funkciju Ministra prometa i komunikacija Bosne i Hercegovine.

Komisija je preporučila Predstavničkom domu Parlamentarne skupštine BiH da potvrdi imenovanje g. **Rude Vidovića** za Ministra komunikacija i prometa Bosne i Hercegovine.

Za izvjestioca na sjednici Predstavničkog doma imenovan je predsjedavajući Komisije, g. Halid Genjac.

Ad. 3. Tekuća pitanja.

O ovoj tački Dnevnog reda nije vođena rasprava.

Sjednica Komisije za pripremu izbora Vijeća ministara BiH završena je u 9 sati i 45 minuta.

SEKRETAR KOMISIJE
Milan Zjajić

PREDSJEDAVAJUĆI KOMISIJE
Halid Genjac